



REPUBLIKA E SHQIPËRISË
AVOKATI I POPULLIT

**Mekanizmi Kombëtar për Parandalimin e Torturës,
trajtimit ose dënimit të egër, çnjerëzor ose poshtëruës**

Adresa: Bulevardi: "Zhan D'Ark" Nr.2
Tiranë, Shqipëri

Tel/Fax: +355 4 2380 300/323
E-mail: ap@avokatipopullit.gov.al
www.avokatipopullit.gov.al

Nr. **Prot.**
Nr. Dok. 202101315/2

Tiranë ___/___/2021

Lënda: *Rekomandime për inspektimin e bërë në Komisaratin e Policisë në Skrapar.*

Drejtuar: **Z. Medin HASANI**
Shef i Komisarimit të Policisë

COROVODË-SKRAPAR

Për dijeni: **Z. Edmond TARKAJ**
Drejtor i Drejtorisë Vendore të Policisë

BERAT

I Nderuar Z. Hasani

Avokati i Popullit, në rolin e Mekanizmit Kombëtar për Parandalimin e Torturës, Trajtimit ose dënimit të egër, çnjerëzor ose poshtëruës, në vijim Mekanizmi Kombëtar, seksion pranë Avokatit të Popullit, bazuar në nenin 19/1 të ligjit nr. 8454, datë 04.02.1999, "Për Avokatin e Popullit", i ndryshuar, dhe nenin 81 i ligjit nr.81 datë 25.06.2020, "Për të drejtat dhe trajtimin e të dënuarve me burgim dhe të të paraburgosurve kreu një inspektim në Komisaratin e Policisë në Skrapar.

Inspektimi u krye në datën 13.10.2021, sipas një Plani Inspektimi vjetor të miratuar nga Avokati i Popullit. Në përbërje të grupit inspektues ishin z. Hazbi Selita, dhe z. Besnik Deda, nd/Komisionerë pranë Mekanizmit Kombëtar.

Inspektimi kishte si qëllim verifikimin e respektimit të standardeve të përcaktuara në ligjin nr.108/2014, "Për Policinë e Shtetit", i ndryshuar, Urdhrin e Drejtorit të Përgjithshëm të Policisë së Shtetit nr.925, datë 18.07.2019, për miratimin e procedurës standarde "Trajtimi dhe sigurimi i personave të arrestuar/ndaluar në ambientet e Policisë së Shtetit, evidentimi dhe zgjidhja e kërkesë/ankesave të tyre", Urdhrin e Drejtorit të Përgjithshëm të Policisë së Shtetit nr.938, datë 24.07.2019, për miratimin e procedurës standarde "Rregullat teknike të shoqërimit në mjediset e policisë së Shtetit", si dhe zbatimin e rekomandimeve të Avokatit të Popullit të bëra gjatë inspektimeve të mëparshme.

Avokati i Popullit, pasi u njoh me konstatimet e grupit inspektues dhe nivelin e zbatimit të rekomandimeve të lëna nga inspektimi i mëparshëm, ka detyrimin kushtetues dhe ligjor t'ju parashtrijë konkluzionet përfundimtare, duke ju referuar si më poshtë vijon:

Shënime të përgjithëshme

Në përputhje me metodologjinë e zhvillimit të inspektimit në institucionet ku mbahen e trajtohen shtetas të privuar nga liria, grupi i inspektimit u takua me shefin e rendit, z. Man Denushi, i cili u vu në dijeni lidhur me qëllimin e inspektimit.

Pasi u njoh me qëllimin e inspektimit, shefi i rendit informoi grupin e inspektimit në lidhje me kushtet në të cilat ndodhet ambienti i shoqërimit, angazhimin e punonjësve të policisë së këtij komisariati për garantimin dhe mbrojtjen e të drejtave ligjore të personave të privuar nga liria në këto ambiente.

Grupi i inspektimit, i shoqëruar nga shefi i rendit, vijoi inspektimin në ambientet e shoqërimit të komisariatit, vizitoi zyrat e punonjësve të policisë, si dhe u njoh me dokumentacionin përkatës ku pasqyroheshin veprimet e kryera me personat e shoqëruar të arrestuar apo të ndaluar.

Gjithashtu, z. Denushi, angazhoi edhe punonjësit e policisë së ambienteve të shoqërimit të këtij institucioni që të ishin prezent për të bashkëpunuar dhe për të shërbyer në vijim të procesit të inspektimit. Grupi inspektues, pasi mori informacionin e nevojshëm lidhur me qëllimin e inspektimit, vijoi takimin me punonjësën përgjegjëse të dhomave të shoqërimit që na u bashkua gjatë evidentimit të kushteve të këtyre ambienteve të Komisarariatit të Policisë Skrapar.

Theksojmë se, punonjësit e Komisarariatit të Policisë Skrapar me të cilët kontaktuam u treguan bashkëpunues gjatë komunikimit dhe inspektimit, që zhvilloi grupi në ambientet e këtij institucioni. Grupi i punës në vijim inspektoi ambientet e shoqërimit, disa zyra të punonjësve të policisë, si dhe u njoh me dokumentacionin përkatës ku pasqyroheshin veprimet e kryera me personat e shoqëruar dhe të arrestuar apo ndaluar.

Në Komisariatin e Policisë Skrapar, nga informacioni i grumbulluar gjatë kryerjes së inspektimit në lidhje me zbatimin e rekomandimeve të institucionit të Avokatit të Popullit për vitin 2019, rezultoi se:¹

1. **Nuk ishte zbatuar rekomandimi**, për të mundësuar rikonstruksionin e godinës së Komisarariatit të Policisë Skrapar, me qëllim për ta kthyer atë në një institucion me standarde bashkëkohore dhe dinjtoze, si për personat e shoqëruar, arrestuar/ndaluar, ashtu edhe për punonjësit e policisë.
2. **Nuk ishte zbatuar rekomandimi**, për ndërtimin e dhomave të shoqërimit në Komisariatin e Policisë Skrapar, sipas kritereve të parashikuara në Kreun VI, pika 3 të procedurave standarde "*Rregullat teknike të shoqërimit në polici*", miratuar me Urdhrin nr. 306, dt. 31.03.2016 të Drejtorit të Përgjithshëm të Policisë së Shtetit duke

¹ Rekomandim për inspektimin e bërë në Komisariatin e Policisë Skrapar, nr. K4I52-2, prot, datë 07.10.2021

përfshirë në të dhe ndërtimin e një dhome shoqërimi për të miturit dhe të një dhome shoqërimi për femra dhe monitorimin e tyre me kamera.

3. **Nuk ishte zbatuar rekomandimi**, për krijimin e zyrave në Komisarriatin e Policisë Skrapar ku merren në pyetje personat e shoqëruar dhe instalimin e sistemit të monitorimit me kamera në këto ambiente.
4. **Nuk ishte zbatuar rekomandimi**, për krijimin e zyrave të posaçme për intervistim me persona të mitur, duke ofruar një ambient të përshtatshëm që duhet të jetë i rregulluar në mënyrë të posaçme për zhvillimin e bisedave me fëmijët.

Në lidhje me rekomandimet e institucionit të Avokatit të Popullit, shefi i rendit na informoi se, në zbatim të urdhrin të Drejtorit të Përgjithshëm të Policisë së Shtetit nr.938, datë 24.07.2019, për miratimin e procedurës standarde “Rregullat teknike të shoqërimit në mjediset e policisë së Shtetit”, i janë bërë kërkesa vazhdueshme Drejtorisë Vendore të Policisë Berat, për gjetjen e fondeve për investim të krijimit e dhomave të shoqërimit sipas standardeve të parashikuar në këtë urdhër. Në lidhje me plotësimin e kushteve të mbajtjes dhe sigurisë për personat e shoqëruar në Komisarriatin e Policisë Skrapar.

Për shkak së situatës të krijuar nga përhapja e sëmundjes infektive COVID-19, grupi i inspektimit kontrolloi gjithashtu, se çfarë masash ishin marrë për parandalimin e kësaj pandemie, sigurimin e maskave mbrojtëse dhe disinfektantëve për stafin. Konkretisht rezultoi se ishin zbatuar masat standarte. Rregulli në mbajtjen e maskës në ambientet e punës, disinfektantë për pastrimin e duarve ishin vendosur në vende të dukshme në ambientet e shoqërimit, ishin afishuar materiale informuese për zbatimin e protokollit shëndetësor për parandalimin e kësaj sëmundje, për ruajtjen e distancës fizike mes njëri-tjetrit, me qytetarët, etj.

Në përfundim të inspektimit grupi monitorues konstatoi se, në ambientet aktuale në Komisarriatin e Policisë Skrapar, vazhdonin të ishin të pranishme disa problematika dhe konkretisht:

Ambientet e shoqërimit dhe kushtet e tyre

Në Komisarriatin e Policisë të Skraparit, ambienti i shoqërimit nuk ishte i ndërtuar sipas parashikimeve të bëra në ligjin nr.108/2014, “Për Policinë e Shtetit”, i ndryshuar dhe procedurës standarde “Rregullat teknike të shoqërimit në polici”, miratuar me Urdhrin e Drejtorit të Përgjithshëm të Policisë së Shtetit nr.938, datë 24.07.2019.

Mungesa e dhomave të shoqërimit për gratë dhe të mitur në konflikt me ligjin, është një nga problemet që paraqitet në këtë komisarriat. Duke mos siguruar garantimin e lirive të drejtat dhe standardeve që kanë të bëjnë me shoqërimin, mbajtjen dhe trajtimin në mjediset e policisë, si dhe nevojave fizike, profesionale dhe psikologjike kur merren vendime që prekin ndonjë aspekt të ndalimit të tyre.²

Komisariati i Policisë Skrapar funksiononte në një godinë të vjetër por të mirëmbajtur dhe dhoma e vetme e shoqërimit ishte e përshtatur brenda këtyre ambienteve, por sërish ajo

²Në pikën 4/b *Kreu VII, Procedurat standarde “Rregullat teknike të shoqërimit në polici”, ku përcakton se: Kushtet e mbajtjes dhe siguria për personat e shoqëruar, në mjediset/ambientet të jenë të ndara më vete për persona të rritur, femra dhe të mitur.*

nuk ishte ndërtuar sipas kritereve të parashikuara në procedurat standarde: “*Rregullat teknike të shoqërimit në polici*”, miratuar me Urdhrin Nr. 938, dt. 24.07.2019 të Drejtorit të Përgjithshëm të Policisë së Shtetit³.

Në Komisariatin e Policisë Skrapar, ambienti i shoqërimit ishte në katin e parë të godinës, me dalje direkte në hyrjen e korridorit të institucionit dhe përbëhej nga **1(një) dhomë shoqërimi**, e cila përdorej për meshkujt madhorë ndërkohë **që nuk kishte dhomë për shoqërimin e femrave dhe të të miturve**.

Mungesa e dhomave të shoqërimit për femra dhe të mitur në konflikt me ligjin, siç është parashikuara në Kreun VII, pika 4 të procedurave standarde “*Rregullat teknike të shoqërimit në polici*”, miratuar me Urdhrin nr. 938, dt. 24.07.2019 të Drejtorit të Përgjithshëm të Policisë së Shtetit, tregon mos garantimin e lirive të të drejtave të njeriut, sipas standardeve që kanë të bëjnë me shoqërimin, mbajtjen dhe trajtimin e personave në mjediset e policisë.

Për shoqërimin e femrave dhe të të miturve **përdorej ambienti i pritjes në hyrje të këtij komisarati ose personat qëndronin në një ambient të hapur me stola në oborrin e jashtëm të institucionit** në mungesë të dhomave të përshtatëshme.

Dhoma e shoqërimit ishte me sipërfaqe dhe hapësirë të bollshme për qëndrimin dhe trajtimin e të shoqëruarve, e pajisur me tavolina dhe stola për të mundësuar qëndrimin ulur të personave. Përmasat e dhomave të shoqërimit ishin 4x3m me kapacitet për mbajtjen dhe qëndrimin ulur deri 4 persona.

Dhoma e shoqërimit kishte dritare përmasat e së cilave siguronin ndriçim të nevojshëm natyral. Dhomat gjithashtu, kishin ndriçim artificial nga rrjeti elektrik. Dera ishte prej druri, me mundësi për t’u mbyllur nga jashtë. Në përgjithësi dhoma ishte e pastër nga ana higjieno-sanitare. Dhoma e shoqërimit nuk kishte sistem ngrohjeje/ftohje.

Në korridorin e ambientit të shoqërimit ndodhej vetëm një tualet, i pajisur me çezëm dhe kishte ujë të rrjedhshëm pa ndërprerje. Dera e tualetit ishte e prishur dhe pa bravë për mbyllje. Tualeti nuk plotësonte kushtet higjieno sanitare, dhe kishte nevojë për larje, lyerje dhe dezinfektim të herë pas hershëm të saj.

Në këtë komisarjat nuk ishte instaluar sistemi i monitorimit me kamera për mbajtjen në vëzhgim në të gjitha ambientet e këtij institucioni. Mbikqyrja me kamera e të gjitha mjediseve të komisarjatit Skrapar, përveç atyre mjediseve ku çënohet privatësia, është vlerësuar nga ana jonë si një proces thelbësor për tre arsye:

Së pari, mbikqyrja me kamera ka një efekt parandalues për veprime të kundërligjshme që mund të kryhen, si nga ana e të shoqëruarve, ndaluarve apo arrestuarve, ashtu dhe nga vetë punonjësit e policisë së shtetit.

Së dyti, mbikqyrja me kamera dokumenton shumicën e ngjarjeve brenda ambienteve të komisarjatit, si dhe jep garanci për një gjykim objektiv dhe të paanshëm për masat disiplinore apo penale që duhet të merren ndaj individëve përgjegjës.

Së treti, dokumentimi filmik është një material mbi të cilin mund të konsultohen mjaft të dhëna apo pretendime për trajtimin e të shoqëruarve, ndaluarve apo arrestuarve dhe mund

³ “*Rregullat teknike të shoqërimit në polici*”, miratuar me Urdhrin Nr. 938, dt. 24.07.2019 të Drejtorit të Përgjithshëm të Policisë së Shtetit.

të nxirren përfundime të vlefshme dhe të paanshme në rekomandimet përkatëse që hartojnë institucionet monitoruese të pavarura.

Në ambientin e shoqërimit ishin vendosur postera me të drejtat ligjore të personave të shoqëruar. Gjithashtu në posterat përkatës ishte pasqyruar edhe e drejta ligjore e personave të shoqëruar për të paraqitur ankesa.

Në Komisarlatin e Policisë Skarapar, gjatë periudhës 01.01.2021 deri më 13.10.2021 ishin të shoqëruar, të ndaluar apo të arrestuar dhe të evindetuar në regjistrin e shoqërimit **61** persona, ku saktësisht **58** shtetas madhor, **1** shtetas i mitur dhe **2** shtetase femra të shoqëruar në konflikt me ligjin, sipas përcaktimeve të bëra në nenin 109 dhe 112/1 të ligjit për Policinë e Shtetit. Në momentin e inspektimit, **nuk kishte asnjë shtetas** në dhomat e shoqërimit.

Gjithashtu, na u bë me dije se personat e shoqëruar nga policia informoheshin për të drejtat e tyre, që nga fillimi i privimit të lirisë, duke siguruar informacion të qartë verbal në lidhje me të drejtat ligjore/procedurale që ata kanë. **Avokati i Popullit nëpërmjet Mekanizmi Kombëtar kërkon dhënien e kopjes së kartës së të drejtave** në momentin e hyrjes në komisariat, për të garantuar njohuritë e tyre për të drejtat e tyre.

Nga verifikimi i regjistrin të marrjes dhe dorëzimit të personave të shoqëruar dhe kopjeve të procesverbalit të veprimeve të kryera nga punonjësi i policisë me personin e shoqëruar, në rubrikën me shënimet në lidhje me ankesat/kërkesat e të shoqëruarve rezultoi se, për vitin 2021 nuk kishte asnjë ankesë të regjistruar.

Gjatë inspektimit nuk u konstatua asnjë rast, apo u administrua ndonjë ankesë lidhur me ushtrim dhune apo trajtim degradues. Gjatë inspektimit u kqyrën të gjitha zyrat e oficerëve të Policisë Gjyqësore në të gjitha ambientet e komisarlatit. Në zyrat e lartpërmendura nuk u gjetën sende, prania e të cilave të ekspozonte dhunë ndaj shtetasve që intervistohen/merren në pyetje.

Marrja në pyetje dhe intervistimi i personave të shoqëruar, në mungesë të një ambienti më vete, kryhej në zyrat e punës të punonjësve të policisë. Dhomat e shoqërimit dhe zyrat e punës të punonjësve të policisë, nuk monitoroheshin nga sistemi i kamerave. Sa më sipër, vjen në kundërshtim me pikën 6 kreu XIV *Procedurat standarde "Rregullat teknike të shoqërimit në polici"*, ndër të tjerat përcakton se: Në dhomat e intervistimit/marrjes në pyetje të arrestuarve/ndaluarve për të regjistruar në elektronikë procesin e marrjes në pyetje apo veprime të tjera procedurale hetimore me të arrestuarit/ndaluarit.

Më tej u evidentuan disa praktika të njëpasnjëshme ku rezultoi se, në përfundim të procedurave dhe veprimeve të kryera nga punonjësit e policisë të komisarlatit, mbaheshin procesverbalet përkatëse dhe një kopje e firmosur i jepej personit të shoqëruar.

Ambientet e sigurisë dhe kushtet e tyre

Në Komisarlatin e Policisë Skrapar nuk kishte ambiente të sigurisë dhe personat e arrestuar/ndaluar, në përfundim të veprimeve procedurale nga ana e punonjësve të policisë, dërgoheshin menjëherë në dhomat e sigurisë të Komisarlatit të Policisë të Berat.

Regjistri i personave të shoqëruar, ndaluar/arrestuar dhe evidentimi i tyre

Në Komisarlatin e Policisë të Skarparit, u konstatua se “Regjistri i evidentimit të të dhënave për personat e shoqëruar”, ishte i tipit “Model nr.1”, konform procedurave standarde “Rregullat teknike të shoqërimit në polici”, miratuar me Urdhrin nr.938, datë 24.07.2019 të Drejtorit të Përgjithshëm të Policisë së Shtetit dhe ishte i sekretuar.

Të gjithë personat e shoqëruar në organin e policisë sipas dispozitave të ligjit nr.108/2014 “Për Policinë e Shtetit”, i ndryshuar, regjistroheshin në këtë regjistër nga punonjësit e zyrës së informacionit.

Nga kqyrja e këtij regjistri rezultoi se, koha e qëndrimit në gjendje shoqërimi të shtetasve ishte e ndryshme nga 1 deri në 10 orë në raste të veçanta. Rubrikat e regjistrit ishin plotësuar në mënyrë korrekte, me përgjegjësi dhe saktësi nga punonjësit e policisë⁴.

Në këtë komisarlat kishte regjistër për personat e arrestuar/ndaluar, ku evidentoheshin të gjitha rastet e arrestimeve dhe ndalimeve të kryera nga punonjësit e këtij organi, i cili ishte i sekretuar. Në rastet e arrestimeve dhe të ndalimeve të personave të shoqëruar, ora e arrestimit/ndalimit përputhej me orën e shoqërimit të tyre në organin e policisë.

Ndërkohë u konstatua se në këtë Komisarlat kishte regjistër për evidentimin e kërkesë/ankesave të personave të shoqëruar, të arrestuar dhe të ndaluar, sikurse parashikohet në nenin 115 të ligjit nr. 108/2014 “Për Policinë e Shtetit”, i ndryshuar, por për periudhën që u krye inspektimi, nuk ishte evidentuar asnjë ankesë apo kërkesë.

Gjithashtu në Komisarlatin e Policisë Skrapar kishte edhe regjistër për takimet me avokatin ose prokurorin, regjistër të shoqërimit të personave në ndaluar në gjykatë apo në institucione të tjera, regjistër të marrjes në pyetje dhe informacion në gjuhën shqipe dhe në disa gjuhë të huaja për të drejtat e personave të ndaluar ose të arrestuar.

Gjatë inspektimit, u konstatua se në Komisarlatin Skrapar, nuk kishte një regjistër të posaçëm, vetëm për të miturit në konflikt me ligjin. Institucioni i Avokatit të Popullit në zbatim të ligjit nr.37/2017 “Kodi i drejtësisë Penale për të Mitur” ka rekomanduar pajisjen e komisarlateve të policisë me një regjistër të posaçëm, vetëm për të miturit në konflikt me ligjin.⁵

Ambientet e intervistimit

Në Komisarlatin e Policisë së Skrapar, oficerët e policisë gjyqësore i kryenin veprimet procedurale me shtetasit në zyrat e tyre të punës. Këto ambiente nuk ishin të monitoruara me kamera, për vëzhgimin gjatë kryerjes së veprimeve procedurale nga oficerët e policisë gjyqësore.

Lidhur me këtë fakt, Avokati i Popullit nisur edhe nga inspektimi i mëparshëm ka rekomanduar marrjen e masave për krijimin e zyrave të veçanta ku merren në pyetje shtetasit gjatë kryerjes së veprimeve procedurale nga oficerët e policisë gjyqësore dhe instalimin e sistemit të monitorimit me kamera në këto zyra, por sikurse u përshkrua edhe më sipër, ky rekomandim nuk është zbatuar ende.

⁴ *Kreu VII, Procedurat standarde “Rregullat teknike të shoqërimit në polici”.*

⁵ ligjin nr.37/2017 “Kodi i Drejtësisë Penale për të Mitur”.

Avokati i Popullit, duke iu referuar standardeve ndërkombëtare⁶, e konsideron procesin e monitorimit filmik një element parësor për mbrojtjen e të drejtave dhe lirive të njeriut, pasi ka efekt parandalues për kryerjen e veprave të dhunshme dhe të dënueshme, si nga ana e të shoqëruarve, ndaluarve e arrestuarve, ashtu dhe nga vetë punonjësit e policisë së shtetit.

Proçesi i monitorimit filmik gjatë marrjes në pyetje të personave të shoqëruar dhe të ndaluar është një element parësor për mbrojtjen e të drejtave dhe lirive të njeriut, pasi ka efekt parandalues për kryerjen e veprave të dhunshme dhe të dënueshme, si nga ana e të shoqëruarve, ndaluarve apo arrestuarve, ashtu dhe nga vetë punonjësit e policisë së shtetit.

Komisariati i Policisë Skrapar në kushtet aktuale nuk posedonte hapësirë të posaçme për biseda apo intervistim me persona të mitur. MKPT e konsideron me rëndësi të veçantë faktin se bisedat me fëmijët duhet të realizohen në një ambjent të përshtatshëm që duhet të jetë i rregulluar në mënyrë të posaçme për zhvillimin e bisedave me fëmijët, pasi nga intervistimi i tyre në kushtet aktuale mund të shkaktohet traumatizim plotësues i fëmijëve. Nga monitorimi që u bë në disa prej zyrave të punonjësve të policisë në godinën aktuale të Komisarariatit të Policisë Skrapar, nuk u gjetën sende, prania e të cilave të ekspozonte dhunë tek personat me të cilët ata kryenin veprime procedurale.

Ndihma juridike, psikologjike dhe kujdesi mjekësor

Nga pyetja e punonjësve të policisë rezultoi se në rastet kur të ndaluarit/arrestuarit madhorë të cilët nuk kishin mundësi financiare për të pajtuar avokat privat kërkonin ndihmë juridike, atyre iu sigurohej mbrojtja me avokat të caktuar kryesisht.

Punonjësit e policisë i parashtuan grupit të inspektimit, se në rastet kur të ndaluarit/arrestuarit ishin të mitur, veprimet procedurale kryheshin në praninë e detyrueshme të avokatit mbrojtës të caktuar kryesisht dhe të psikologut. Avokatët siguroheshin nga lista e avokatëve të dërguar nga organi i prokurorisë.

Ndërsa psikologu sigurohej nga Drejtoria Vendore e Policisë Berat, por dhe në bashkëpunim me shkollën e mesme të qytetit të Çorovodës. Gjatë verifikimit të regjistrave të personave të shoqëruar u konstatua se procedura e ndjekur nga punonjësit e Komisarariatit të Policisë Skraparit ishte zhvilluar konform ligjit.

Në raste kur të shoqëruarit paraqesin probleme shëndetësore, ata i shoqërojnë në qendrën shëndetësore Çorovodë, për të marrë ndihmën mjekësore.

Në rastet kur të ndaluarit/arrestuarit ishin të mitur, veprimet procedurale kryheshin në praninë e detyrueshme të avokatit mbrojtës të caktuar kryesisht dhe të psikologut i cili sigurohej në kohë përmes ndihmës nga shkolla e mesme e këtij qyteti ose nga Drejtoria

⁶ “Një sistem i monitorimit të vazhdueshëm i standardeve dhe procedurave të intervistave të policisë duhet vënë në zbatim, po ashtu; kjo kërkon një regjistrim të saktë të intervistave të personave në ambientet e policisë, të cilat, nëse është e mundur duhet të zhvillohen me pajisje regjistruese elektronike (audio dhe/video). Duhet të kërkohet që të regjistrohet në mënyrë sistematike koha kur ka filluar dhe mbaruar intervista, ndonjë kërkësë të bërë nga i ndaluari gjatë intervistës, si dhe të personave të pranishëm gjatë çdo interviste.” CPT’ reports; Armenia: Visit 2010[par.18]

Vendore e Policisë Berat dhe qëndronte i pranishëm derisa përfundonte procedura përkatëse.

Gjatë inspektimit, u konstatua se në këtë komisariat zbatohet detyrimi ligjor i parashikuar në nenin 109/5 dhe 122/5 të ligjit nr. 108/2014 “Për Policinë e Shtetit”, i ndryshuar, si dhe në kapitullin VII, pika a.3.4 të procedurave standarde për plotësimin dhe dhënien e procesverbalit të veprimeve të kryera me të shoqëruarit nga punonjësit e policisë që ishin ngarkuar me detyrën e kryerjes së verifikimit dhe trajtimin e çështjes përkatëse.

Edhe në nenet 34/b. pika 2 dhe 251 të K.Pr. Penale parashikohet se të ndaluarit/arrestuarit duhet t’i jepet dhe të mbajë me vete një kopje të procesverbalit të ndalimit/arrestimit. Rezultoi se ndaj personave të shoqëruar nga punonjësi i policisë mbahej një procesverbal tip i emërtuar “*Formulari i raportit të Shoqërimit ose Ndalimit/Arrestimit*”.

Gjatë inspektimit u konstatua se në korridoret e godinës dhe të ambientit të shoqërimit si dhe në dhomën e shoqërimit të këtij Komisarati ishin afishuar postera me të drejtat ligjore të personave të shoqëruar në organin e policisë dhe të personave të ndaluar/arrestuar.

Për sa më sipër dhe me qëllim zgjidhjen e problemeve të konstatuara gjatë këtij inspektimi, bazuar në pikën 3 të nenit 63 të Kushtetutës ku parashikohet se: “*Avokati i Popullit ka të drejtë të bëjë rekomandime dhe të propozojë masa kur vëren shkelje të të drejtave dhe lirive të njeriut nga administrata publike*” dhe në bazë të nenit 21/b të ligjit nr. 8454 dt.04.02.1999 “*Për Avokatin e Popullit*”, i ndryshuar, ku përcaktohet se: “*Avokati i Popullit paraqet rekomandime për vënien në vend të së drejtës së shkelur tek organi administrativ, që, sipas tij ka shkaktuar shkelje të të drejtave dhe lirive*”,

REKOMANDOJMË :

1. Marrjen e masave të nevojshme dhe gjetjen e fondeve përkatëse për të mundësuar rikonstruksionin e përgjithshëm të godinës së Komisaritit të Policisë Skrapar me qëllim për ta kthyer atë në një institucion me standarde bashkëkohore dhe dinjtoze, si për personat e shoqëruar, arrestuar/ndaluar, ashtu edhe për të garantuar kushte të përshtatëshme pune për punonjësit e policisë së këtij institucioni.
2. Marrjen e masave për ndërtimin e dhomave të shoqërimit në Komisaratin e Policisë Skrapar, sipas kritereve të parashikuara në Kreun VII, pika 4 të procedurave standarde “*Rregullat teknike të shoqërimit në polici*”, miratuar me Urdhrin nr. 938, dt. 24.07.2019 të Drejtorit të Përgjithshëm të Policisë së Shtetit duke përfshirë në të dhe ndërtimin e një dhome shoqërimi për femra dhe një dhome shoqërimi për të miturit në konflikt me ligjin.
3. Marrjen e masave të menjëhershme për instalimin e sistemit të monitorimit me kamera vëzhguese në korridorin e institucionit ashtu në ambientin e dhomës të shoqërimit në Komisaratin e Policisë Skrapar.
4. Marrjen e masave të menjëhershme për pajisjen me një regjistër të posaçëm, vetëm për të miturit në konflikt me ligjin në Komisaratin e Policisë Skrapar.

5. Marrjen e masave të nevojshme për krijimin e zyrave në Komisarariat e Policisë Skrapar ku merren në pyetje personat e shoqëruar dhe instalimin e sistemit të monitorimit me kamera në këtë ambiente.
6. Marrjen e masave të nevojshme për krijimin e zyrave të posaçme për intervistim me persona të mitur, duke ofruar një ambient të përshtatshëm që duhet të jetë i rregulluar në mënyrë të posaçme për zhvillimin e bisedave me fëmijët.
7. Marrjen e masave të nevojshme për ndërtimin e tualeteve të ndara për femra dhe meshkuj, si dhe të pajisur me mjetet e domosdoshme për këtë qëllim, brenda apo ngjitur me ambientin e shoqërimit të Komisarariatit të Policisë Skrapar.
8. Marrjen e masave të menjëhershme për sigurimin e sistemit të ngrohjes ose vendosjen e paisjeve elektrike në dhomën e shoqërimit, për ngrohjen e këtyre ambienteve kryesisht në periudhën e dimrit.
9. Marrjen e masave për mirëmbajtjen e garantimin të kushteve higjieno-sanitare dhe pastërtisë në ambientet e Komisarariatit të Policisë, si dhe lyrjen dhe dezinfektimit të vazhdueshëm të tyre.
10. Marrjen e masave të menjëhershme për pajisjen e tualetit në korridorin e komisarariatit me pajisje hidro-sanitare dhe bravë për mbylljen e derës.

Për qëndrimin dhe masat që do merrni në zbatim të këtij rekomandimi, të vihemi në dijeni brenda afatit 30 ditor sipas nenit 22 të ligjit nr.8454, datë 04.02.1999 “Për Avokatin e Popullit”, i ndryshuar.

Duke besuar në mirëkuptimin dhe bashkëpunimin tuaj,

KOMISIONER

ERMONELA XHAFA